

Уьмрин дережа за аплуз!

Табасарандин сес



Табасаран райондин
жямьяьтлугъдинна - политикайин газат



Голос
Табасарана

№ 42 (1186) Жвуми, 18-пи октябрь, 2024-пи йис (2001-пи йисан 5-пи майдианмина удубч1вур)

Табрик аплуб

Рякъярин мяишатдин работникарин Йигъахъди!

Ихъ уьлкейиь гъарисан октябрин шубудпи элгет йигъан рякъярин мяишатдин работни-кари чпин пишекарвалин Йигъ къайд аплура. Думу Йигъ рякъяр, гъадар тикмиш аплударин, ярхи йисди рякъяр къайдайиь уьрхрударин, яни тикилишчйирин, инженерарин, проектар аплударин, рякъяр рас ва дурариз гъуллугъ аплударин, рякъяр тикмиш аплуз материалар гъясил аплударин машквар ву. Шаксузди, рякъяр вари государствуйин инфраструктурайин асас паярикан гъисаб шула. Рякъярин сетдин артмиш валикан экономикайин артмиш вал, гъадихъди сабси, агъалийрин яшайишдин дережа асиллу ву.

Чпин пишекарвалин машк-врахъна, гъелбетда, ихъ рай-

ондин рякъярин мяишатдин работникарра, саб жерге хъуркьювалар гъазанмиш дап1ну, гъафну. Аьхиримжи йисари райондин айт1, гъадму гъисабнаан гъуларин поселени-рин арайиь ва гъуларин айт1, рякъяр тикмиш ва айидар рас аплбаан хайлин ляхнар духнахъ ва гъахурахъа. Гележегдиъра думу ляхнар давам аплдихъа.

Райондин рякъярин мяишатдин вари работникар чпин пишекарвалин машкврахъди табрик, дурариз чпин важиблу ва гъии дару ляхниь гележегдиъра хъуркьювалар ва хушбахтвал кун аплураза!

«Табасаран район»
МР-ин Глава
М. С. КЪУРБАНОВ.

Терроризмйикан ва дидхъан уьрхбакан

12-пи октябриь райондин культурайин Хулаь Дагъустан Республикайин муниципалин районариь терроризмйин ва экстремизмйин идеологияйихъди къаршу дейигъбаан РД-йин терроризмйихъди къаршу ляхин гъабхбан Комиссияйин къарарар тамам аплбан рамкйиреъди райондин образованиейин идарйиреъ урхурайидарихъди серенжем гъабхъну. Серенжемди РД-йин Главайин насигъатчйир Замир Гъажимурадов, Зарема Мягъмудова, РД-йин СПЧ-йин председатель Руслан Мягъмудов, Табасаран райондин глава Мягъмед Къурбанов, райондин администрацияйин главайин (Аьхир 2-пи машнаь.)

2024-пи йис-хизандин Йис

Му хизандиз нумуналу хизан пуз шулу



Нумуналу хизан тешкил аплуб, думу уьхъюб гъарсар касдин асас буржйиркан саб вуди гъисаб аплураза. Хизан гъарсар касди чаз

дивнайи гъала, чан уьмрин гележег ву. Думу гъалайиь читинваларра, ужувларра хъуз мумкин ву. Гъайифки, «гъалайиь» шлу читинвала-

риан удуч1вну, шаду гележег ккабалгуз варидихъан шулдар, аьксина вуди, хайлиндар думу читинвалари ккагъуз (Аьхир 3-пи машнаь.)

Райондин коммунистарин гъякъ-гъисабдинна сечкйирин конференция гъабхъну

Цци октябрин 12-диь Табасаран райондин администрацияйин актовый залиь РФ-йин КП-йин Дагъустандин РО-йин Табасаран райондин ерли отделениеин гъякъ-гъисабдинна сечкйирин 15-пи конференция клули гъубшну.

Конференцияйин ляхниь «Табасаран район» МР-ин Глава Мягъмед Къурбанов, РФ-йин КП-йин Дагъустан региондин отделениеин республикайин комитетдин сарпи секретарь Самир Аьбдулхаликов, Дагъустандин региондин отделениеин республикайин комитетдин идеологияйин отделин заведующий, «Совет Дагъустан» газатдин клулин редактор



Казбек Къурбанов иштирак гъахъну.

Ккудубшу конференцияйихъанмина райкомди

гъубху ляхнин гъякъ-гъисаб РФ-йин КП-йин Дагъустан

региондин отделениеин Табасаран райондин ерли отделениеин сарпи секретарь Талиб Мут1алимовди гъаплну.

Гъякъ-гъисабдин докладдин конференцияйин саб жерге делегатар удуч1вну гъулхнийи, дурари райкомди гъубху ляхниь «рази хъуз шулу» кымат тувнийи.

Конференцияйин делегата-ри жиниди сес тувбиинди Табасаран райондин ерли отделениеин комитетдин гюзчивалинна-ревизияйин комиссияйин, райондин комитетдин цийи составар, РФ-йин КП-йин Дагъустан региондин отделениеин рескомдин нубатнан гъякъ- (Аьхир 2-пи машнаь.)



Райондин коммунистарин гьякъ-гьисабдинна сечкйирин конференция гьабхьну

(Эвел 1-пи машнаь.)

гьисабдинна сечкйирин конференцияиз райондин коммунистарин арайиан 4 делегат ктагънийи.

Гьадму йигъан райондин ерли отделенийин комитетдин тешкилдувалин пленум гьабхьнийи. Думу пленумдиь райкомдин бюройин цлийи состав ва райкомдин сарпи секретарь ктагънийи. РФ-ийн КП-ийн Дагъустандин РО-ийн Табасаран райондин ерли отделенийин комитетдин сарпи секретарди Фяргъяд Сейфутдинович Агъаризаев ктагънийи.

Конференцияийи РФ-ийн КП-ийн Дагъустан региондин отделенийин республикаийн комитетдин сарпи секретарь Самир Абдулхаликов, «Табасаран район» МР-ин Глава Мягъямед Къурбанов, Табасаран райондин Жямьяблугъ палатаийн председатель Аьлимирза Гьасанов ва жарадар удучлвну гьулхнийи.

Аь. КЪУРБАНОВ.

Нурулла РЯГЪИМОВДИ
гьиву шикил.

Терроризмйикан ва дидхьан уьрхбакан



(Эвел 1-пи машнаь.)

заместитель Заур Мусаев иштирак гьабхьну. Серенжемдиь гьийин вахтна терроризмйин хатгалуваликан, думу тарабгъбакан, думу тарабгърударин метлебарикан, интернет фици хатгалу дарди ишлетмиш дапну, фицдар сайтари хьан ярхла

духьну ккундуш ва жара месэлийрикан суалар - жавабар кьайдайинди гьапну.

Статистикаийн улупбари шагьидвал аплурайиси, терроризм жюрейин тахсиркарвалар аьхиримжи йисари ихь уьлкейиь цлиб шуладар. Дурари жямьяблугъдинна-политикаийн, экономикаийн ва экологияийн гьялназ аьхю ва харжи тясир аплуру. Гьадиз Республикаийн Главайин думу месэлайихьди аьлакьалу табшуругъар ва РД-ийн терроризмйихьди кьаршу ляхин гьабхьан Комиссияийн кьарарар тамам аплуб, обра-

зованиеийн идарйириь урхурайидариз терроризмйин ва экстремизмйин хатгалуваликан тьлукь аьгъювалар ади хьуб важиблу ву, кьайд гьапну серенжемдиь райондин главайи.

Аь.РАШИДОВ.

Нурулла РЯГЪИМОВДИ гьиву шикил.

20-пи октябрь – рякъярин мяншатдин работникарин ийгъ

Ужуб рякъ гьулан асас девлет ву

Рякъ-хул хьтру гьул гележег хьайиб дар, клури шулу. Дугъридан, рякъяри гьарсаб гьулан уьмриь важиблу роль уйнамиш аплура. Транспортдин инфраструктураийн артмиш'валикан вари госу-дарствойин экономикаийн артмиш'вал, халкьдин дуланажагъдин дережа асиллу ву. Фикир тувиш, рякъяр айиваликан ва дурарин ерийикан гьагъар зигбан, пассажирар гьахбан гьаракат ва дурарин хатласузвал асиллу ву. Гьадиз рякъяриз гьарган гьуллугъ аплури, рас аплури, цлийи алаури, цлийидар тикмиш аплури ккунду. Ихь уьлкейиь, месела, рякъярин мяншатдин цирклиь шубуд агъзуртлан зина идара ва 750 агъзуртлан зина инсан лихура. Дурар тикилишчйир, инженерар, проектировщикар, автомагистралар ва рякъяр тикмиш аплбаь иштирак шулайидар, рякъяр рас ва дурариз гьуллугъ аплурдар, рякъяр тикмиш аплуз тьлукь материалар гьязур аплурдар ва жарадар ву. Гьаму вари работникарин ихь уьлкейиь гьарисан октябрин шубудпи элгьет йигъан чпин пишекарвалин машквар кьайд аплура. Ццийин йисан думу машквар 20-пи октябриь кьайд аплуди.

Дупну ккундуки, Табасаран райондиьра рякъярин работникарин пишекарвалин Йигъ гьарисан кьайд аплура. Дидин гьякънаан ич сюгъбатнаь РД-ийн «РСУ» АО-ийн ихь райондин «Табасаран» филиалин клулин инженер Аьлимирзаев Уьсман Гьажийбрагъимовичди гьапнийи. РД-ийн «РСУ» АО-ийн «Табасаран» филиалиь, клулин инженери гьапиганси, 25 касди ляхин аплура. Коллективдиз регьбервал туврайир директор Абдуллаев Эседулла Велиюллаевич ву.

- Райондин рякъярин сеть, улихьна йисарик лигну, хайлин яркъ дубхьна, - гьапнийи Уьсман Аьлимирзаев-



ди. – Гьийин вахтна райондиь, умуми гьисабниинди, 220 километр рякъяр а, дурарикан 112,8 километр республикаийн эгъемиятдин, 108,9 километр ерли эгъемиятдин рякъяр ву. Республикаийн рякъяриз Дербент – Хючна - Хив (51 км), Мамедгъала –Хючна (34 км), «Къавкъаз» –Сиртич -Таттил (34 км) рякъяр дахил шула.

Табасаран райондин филиалин асас вазифйирикан улхури, Уьсман Аьлимирзаевди гьамци гьапнийи: «Ич идарайин асас вазифа тикмиш дапнайи ва гьара-

жемариз гьамцдар ляхнар дахил шула: асфальт улубзнайи рякъяриь духьнайи ичлар тьлукь материалихьди иркуб, члур духьнайи йишварихь рякъяр улихьгандин кьайдайиз хуб, яни асфальтдин думу сагъун аплбан бадали асфальто-бетондин материалин кьат улубзуб, автогрейдерихьди рякъярин гьирагъар, рякъяр планировка аплуб, автогрейдерихьди шид гьабгъру кьанавар тикмиш аплуб, хьял алабхьнайи рякъяринра дурар рас аплбан тьлукь ляхнар гьахуб. Думутланна савайи, учу духну ккуни ва гьахурайи ляхнарикан ву рякъярихь дивнайи лишнарин столбйириз, сигнал тувбан бадали дивнайи тумбйириз, гьядарин мягъряжариз ва гьацдар жара объектариз шир йивуб, рякъярин гьирагъар рукар-кюлерихьан марцц аплуб ва гьаци жарадар. Гьабгъюрайи йисан рякъяриь айи ичлар рас аплбан ляхнариз 300 тонн, хьа рякъяр дюз алауз 870 тонн асфальтобетон ишлетмиш гьаплунча. Хьял 870 куб

хьан марцц аплуб, хиларихьди ясана КДМ машиндихьди рякъярин миркклуцлиз кьаршу материалар рагъуб. Магъа кьюрд багахь шула. Учу октябрь, ноябрь вазари, республикаийн ва ерли эгъемиятдин рякъярин алабхьуз миркклуцлиз кьаршу материалар – песок, кьил кайи песок гьязур аплури шулча. Думу ляхнарин гьамустлан машгьул духьна.

Гьарсаб коллективдин ляхнин натижийр, шаксузди, душваь лихурайидарин умуми активваликан, чпин вазифйирихьна вуйи янашмиш'валикан асиллу ву.

-Учуз ужудар работникар, чпин вазифйир намуслуди тамам аплурайидар цлиб адарчуз, -гьапнийи Уьсман Аьлимирзаевди. – Дурарин арайиан автогрейдерихь лихурайи Юзбег Абдурягъманов, рабочйир Низами Абдулкеримов, Муса Къурбанов ва жарадар улупуз шулу.

Гьадихьди сабси, Уьсман Аьлимирзаевди чпик гьалабалугъ кипрайи месэлийриканра гьапнийи. Дурарикан варитлан асасуб – му гьийин деврин техникайихьди тьмин дапну адрувал кьайд гьапнийи. Фици-вушра, чинвалариз дилигди, «РСУ» АО-ийн «Табасаран» филиали, лазим вуйи техника арендайиз гьадабгъури, райондиь гьам республикаийн, гьамсана ерли эгъемиятдин рякъяр кьайдайиь уьрхбан хайлин ляхин гьабхура. Кьайд дапну ккундуки, аьхиримжи йисари ихь райондиь рякъяр рас аплбаз, цлийидар тикмиш аплбаз улихьантлан артухьди фикир тувра. Дици вуйиб ухьуз думу терефнаан клули гьахурайи ляхнари ачухьди клурахьуз. Райондин гьуларин арайиь ва гьуларин айтл вуйидар хайлин дибдиан рас гьапну ва думу ляхин давам аплура. Гьаму вахтна, месела, Хючна – Хьарагъ рякъян 7-11 км участкадиь,

яни 4 км манизилнаь, рякъ дибдиан рас аплура. Думу ляхнар «Дорстройинвест» ООО-йи клули гьахура. Йисандин аьхирарий думу объект ишлетмиш'вализ тувбанди ву. Йисандин аьхирариз «Къавкъаз» – Сиртич – Таттил рякъян 32 - 39 км участкадиьра рякъ Мягъячгъалайиан вуйи подрядчик «Гидрострой» ООО-йи кудубкбанди ва ишлетмиш'вализ тувбанди ву. Улихьнаси Тивак - Клежюх (4км), Туриф гьулаь цлийи мектебдихьна рякъярин асфальтобетон улубзну, Хючна гьулаь Жяфаровдин ва Ильдаровдин ччвурарихь хьайи кючйир ва гьаци жарадар рас гьапну. Му ляхнара «Дорстройинвест» ООО-йи клули гьухну.

Гьелбетда, рякъярин работникарин пишекарвалин машквар, зиихь кьайд гьаплганси, рякъяр тикмиш, дурариз гьуллугъ аплбахьди аьлакьалу, рякъяр тикмиш аплбак пай киврайи вари работникарин машквар ву. Гьаци, райондиь рякъяр тикмиш аплбак «Дорстройинвест» ООО-ийн, асфальт гьапил аплру заводдин коллективарира лайикьлу пай кивра. Рякъ фуну гьуланра варитлан аьхю девлетарикан гьисаб аплура. Думу девлетар ухьуз яратмиш аплурайидар вари чпин пишекарвалин машквархьди тебрик аплурхьа. Гьит, дурариз гележегдиь хьана аьхю хьуркьувалар ишри. Дурарин хьуркьувалар фукьан аьхюдар гьахьиш, ухьуз рякъярихьди аьлакьалу вуйи гьулайваларра гьадмукьан аьхюдар хьиди.

Абдулмажид РАШИДОВ.

Шикларий: 1.РД-ийн «РСУ» АО-ийн Табасаран райондин «Табасаран» филиалин клулин инженер Уьсман Аьлимирзаев.

2.Рякъ тикмиш аплури.

Нурулла РЯГЪИМОВДИ
гьиву шиклар.



катнаь айи рякъяр хьаднура, кьюрднура ужуб кьайдайиь уьрхюб вуйич, гьадму гьисабнаан республикаийн ва ерли эгъемиятдин рякъяр. Шаксузди, хьадан ва кьюрдун вахтна рякъярин гьахру ляхнарин арайиь чан фаркьвалар а. Хьадан вахтна рякъяриз гьуллугъ аплбан серен-

ишлетмиш гьаплунча. Му республикаийн эгъемиятдин рякъяриь расвализ 30 тонн асфальто-бетон ва 840 куб хьял ишлетмиш гьаплунча.

Хьа кьюрдну гьахру ляхнарикан гьисаб шулу: автогрейдерихьди ясана КДМ машиндихьди рякъяр ийф-

Му хизандиз нумуналу хизан пуз шулу

(Эвел 1-пи машна.)

гъузру.

Ав, нумуналу, албагу ахю хизан аи кас бахтлу ву. Хъа ихъ арайиъ дицдар хизанарин жергйир ахюдар вуйиб, жюрбежюр серенжемариш иштирак шлуган, гъулариз командировкайиз гъушиган, ахю шулузу.

Магъа щии 29-пи августди ихъ райондин Ургур чвучвун ва сар чучун гъалайини клули гъубшу республикайин эгъемият аи «Дагъустандин хизан» серенжемдиз нумуналу хизанар хайлин уч духънайи, яни Къибла Дагъустандин гъарсаб райондин (душваъ 16 райондин вакилар аи) гизаф бицлидар аи хизанар иштирак гъахънийи. Думу йигъан гъалайин фуну йишвахъинди гъушишра, бицлидар хъайи хизанарин жергйир рякъюйи. Дурар чпин ахю хизандин шадди, утканди вуйи.

«Дагъустандин хизан» серенжемдиз дуфнайи Дагъустан Республикайин Гъюкуматдин премьер-министр Абдулмуслим Абдулмуслимовди Дагъустан Республикайи 125 агъзурилан зина гизаф бицлидар аи хизанар яшамии шулайи-валикан гъапнийи, гъадму гъисабнаан 20 агъзур хизан Къибла Дагъустанди ерлешмиш духънайи райондин гъулариз.

Думу серенжемди уз ухъ гъунши Дербент райондин Жалгъан гъул ан вуйи Актай ва Саида Мамедоварин хи-

зандихъди таниш гъахънийи-за. Актай Украиннайи клули гъябгъюрайи спецоперацияйи садпи йигъланмина иштирак шула, хъа Саида кейвани ву. Чпин хизандикан мурари гъамци гъапнийи:

-Учу ич ахю ва албагу хизандинди уткан вуча. Дербент райондин Жалгъан гъулаъ яшамии шули, ич хизандин дуланажагъ алуз, душваъ аргъаж шулайи баяр-шубар жямаятлугъ ксарди тербияламиш, ляхнихъна жалб алуз чалашмиш шула.

«Узу ич ахю хизандин клул, военный кас вуза,- гъапнийи Актай Мамедовди. -Хулаъ хялужвситлан шуларза. Хизандин, баяр-шубарин гъайгъушна айир йиз хпир, Саида, ву. Учзу ич хусуси хулар ачуз, йирхъур бицлир ахю ва тербияламиш алурача. Ицигишубуд йис вуйиз военный гъуллугънаъ контрактдинди лихури, гъамус спецоперацияйи иштирак шулаза. Жвуван халкъ, ватан нацистарихъан уьхбак пай киврайивалин гизаф шад вуза. Къюб ражари Сирияйи клули гъябгъюрайи гъяракатарйи иштирак гъахънза. Узутлан бици кюрсана гъаршад спецоперацияйи иштирак шулайиз. Дурарира чпин ватандаш валин буржи намуслуди тамам алура.

Узу бахтлу кас вуза пуз шулузхъан, гъаз гъапиш йиз хпир Саида гизаф ужур, хизандин гъайгъушна клули адагъуз удукърур, чи-

тинваларихъан гучл адрур, гъюрматлуру ву. Узу хулаъ лап жикъи вахтнаган шуларза. Хизандин, бицлидарин вари гъайгъушна чан гъюнарин алшра, думу инжиг шлурулар...

-Актайсир жилириз узу къисмат хъувалин узу гизаф шад вуза»,-гъапнийи машнаъ шадвалин инчл ади, чан йирхъур бицлирин арайиъ деънайи Саидайи. -Мугъу ич хизан варибдихъди тямин алуру. Актай сабурлу, чан хизандихъан юкльв убгъру, гъайгъушна шула кас ву. Жямаятлугъдизра ужувлан гаф алурур, учвглан ишнан бицлидар дюз рякъ ин алауз чалашмиш шлуру, ахюдарихъан нумуна гъадабгъуру ву. Му баяр-шубар гизаф ккунир вуйивалин, ич хизанди гизаф бицлидар а. Узур бицлидар ккунир вуза. Узур чйир, гъардшар адаруз, абайинна бабан айир узу, сарриш, вуза. Мектебдиз гъягъру вахтна ич гъунши баяр-шубар, яни чйир, чвйир, чиб-чпин хилар дидисну гъягъюйи, сари тмуниз кюмек алууйи. Хъа узу гъаммишан сарди шула. Йиз бицлидарра узуси сарди даршри клури, ахю хизан тешкил алуз къаст гъахънийи. Аллагъди йиз къаст клули адабгъуз кюмек тувунзуз. Абйир-бабарихъ хъпехъру, гизаф ужудар баяр-шубар вуйиз. Ахюнур бицлирин йицинюкуд, бицинурин сад йис яшар вуйич. Узур психологдин заан образованиера азуз.

Гъи му серенжемдиз теклиф дапну дуфнача. Серенжем, райондин мушваз дуфнайи агъалйир гизаф къабул гъахънчуз. Ич хизан Дагъустан Республикайин Гъюкуматдин терефнаан Чухсагъулин кагъзихъди лишанлура гъапну. Гъит гъарсаб хизанди бахтлу, ахъкюллу, хизандина, улькейина гъуллугънаъ шула баяр-шубар артухъ ишри. Дурар ихъ гележег ву. Гележег ужуб гъахъиш, ихъ уьмурра дифар алдру завси марциди хъибди...

Мицдар нумуналу хизанар думу серенжемди хайлин аи. Гъит ихъ арайиъ дурарин къадар артухъ ишри.

Жикъи справка:

Ихъ улькейи реформирин йисари ахю хизанарин къадар цлиб хъуз хъюбгънийи, яни дуланажагъди алахъурайи читинвалар гъисабназ гъадагъну, бицлидар хувал зяиф гъахънийи. Гъамус думу месэлайиз улихъ клулихъ хъайидари асас фикир тувра, дицдар хизанариз кюмек алура. Натикайи ахю хизанарин къадар йислан-йисаз, явашди вушра, артухъ шула.

Мисалназ, ккудубшу йисан июли Аналитикайин НАФИ центри клули гъуху гъерхбарин мялум шулайиганси (гъерхбарий ихъ улькейин вари федералдин округарин 18 йислан зина яш дубхънайи 1,6 агъзур кас иштирак гъахъну), ихъ улькейин 60 процент агъалйири къюр бицлир аи хизан, 30

процент агъалйири гизаф бицлидар аи хизан, 26 процентди шубур бицлир, 2 процентди юкюр, хъур ва дидлан зина бицлидар аи хизан нумуналу хизан вуди гъисаб алура.

Ахтармиш валарин улупбарин мялум шулайиганси, ахю хизан ужуйи ву клурудар ахърихъси 45 йислан зина яшнаъ айидар (72 процент) ву, хъа жигъларин, яни 18-24 йис яшнаъ айидарин арайиан, 59 процентди ахю хизанарин тереф бисура.

Гъерхбарий иштирак гъахъи ахю хизанарин вакилари ихъ улькейин ахю хизанариз чпин дуланажагъди къюб асас читинвал алахъурайи гъисаб алура: гуркуну яшайишдин хулар адрувал (56 процентди), гуркуну пулин дакъатар адрувал (55 процентди).

Шубурилан зина бицлидар аи хизанариз чпин бицлидариз заан образование тувуз читинвалар алахъурайиваликанра гъапну гъерхбарин иштиракчйири.

Угълангерек АБДУЛКЕРИМОВА,
отделин редактор.

Шиклий: Актай ва Саида Мамедоварин хизан Дагъустан Республикайин Гъюкуматдин премьер-министр Абдулмуталим Абдулмуталимовди лишанлу алури.

Н. РЯГЪИМОВДИ
гъиву шиклий.

Хизандин мюгъкамвалиъ хъуркъувалар гъазанмиш гъаплу

Ургур чвучвун ва сар чучун гъалайин августдин 29-ди клули гъубшу республикайин эгъемият аи «Дагъустандин хизан» серенжемдиз Къибла Дагъустандин гъарсаб райондин (душваъ 14 райондин вакилар аи) гизаф бицлидар аи хизанарин вакилар иштирак гъахънийи. Гъадарин арайиан Къурагъ райондин Икра гъулан агъали хизандин мюгъкамвалиъ хъуркъувалар гъазанмиш гъаплу Гаимат Ханмирзаевна Исаевайихъди гюрюшмиш гъахънийи. Гаимат Исаевайихъан «Дагъустандин хизан» серенжемдикан чан фикрар, мюгъкам хизан, яни гъамцдар ахю мярак-йириз адабгъуз лайикълу хизан яратмиш апбан сирарикан, чан уьмрикан ва яшайишдикан ктибтуб ккун гъапнийи. Мугъу гъамци гъапнийи: «Гъийин му ахю серенжем табиятдин лап гюрчег йишвахъ, ихъ ахю насларин къуватлувал, гъюрматлувал, ватанпервервал ачухъ алурайи ядигарихъ тешкил дапна. Табасаран районди му серенжем тешкил апбан асас мянара, Дагъустан Республикайин Гъюкуматдин Председатель Абдулмуслим Абдулмуслимовди къайд гъапганси, му район гизаф бицлидар аи, насларин аьдатар уьрхру ахю хизанар гизаф аи районарикан саб вуйивалра



ву. Думутланна савайи, хяларихъна ахю гъюрмат аи инсанар вуйивал гъаму серенжемди аи инсанарихъна вуйи янашмиш валира ачухъ алура. Гъелбетда, ахю хизан яратмиш алуру рьягъят ляхин дар. Гъийин, интернетдин аьлакъа аи вахтна хъанара. Хъа йиз бицлидар бициди аи вахтна йиз сижар ва сижара яшамии шулайиз. Узу, Мягъячгъалайиш медицинститут ккудубкуну, Къурагъ райондин ЦРБ-ийи сифте

терапевтди, хъасин акушер-гинекологди гъилихунза, хъа гъамус эпидемиологди лихураза. Зегъметнан тажруба 47 йис вуйиз. Йиз жилир (гъамус рягъматлу) Иса Исаев сифте мялимди, хъасин районийн заведующийди хайлин йисари гъилихнийи. Узур, жилирра ляхний аи вахтна бицлидариз йигъну сижари хъайивал алууйи, хъа йишвну-узу. Гъаци хъур бицир (4 риш 1 бай) ахю ва тербияламиш гъапунча. Ич бицлидар ахюдарин

хъан насларин аьдатар, яни ахю-бицлир аьгъювал, дурарин гъюрмат уьхювал, хизандин дуланажагъдин вари ляхнар аьгю гъапну. Дурариз тербия тувувалиъ йиз сижарин ва сижарабайин роль ахюб гъахънийи. Гъамус дурар имдарди хайлин йисар ву, хъа йиз веледари дурар гъарган ахю гъюрматлувалинди кван алуру.

Шубари вариди чпин абайин пише-мялимвал, ктабгъну, хъа бай бухгалтер вуйиз. Вари бицлидариз заан образование айиз. Гъамус узу йицикюр хтулин ахю баб вуза. Хтулар йиз бахт, кван шадвал, хъа веледар уларин акв вуди гъисаб алураза. Узу бахтлу баб вуза. Шубар чпин хизанарихъди ихъ улькейин жюрбежюр йишварий яшамии шула, мялимарди лихура, хъа йиз бай ва шувшв йиз гъвалахъ хъайиз. Узу дурарин шад ва уткан вуза.

Ккудубшу йисан ноябрь вазлин ахъриъи дадайн йигъахъди аьлакъалу вуди, хизандин мюгъкамвалиъ гъазанмиш гъаплу хъуркъувалариз, веледари туву ужуб тербияйиз лигнз, гъюкуматдин терефнаан Дагъустан Республикайин «Дадайн ордендихъди» лишанлу гъапунзу. Гъелбетда ягъчлурна ургуд йисан агъалйирин сагъламвалин гъаравлий ляхин алури, РД-ийн сагъламвал уьхбак Министер-

стойиан, Къурагъ райондин администрацияйиан, жара жямаятлугъ тешкилатарин терефнаан хайлин Гъюрматнаан грамотийр ва Чухсагъулин кагъзар айиз, хъа узуз, варитлан заан лишан, хизандихъди аьлакъалу вуйи «Дадайн орден» вуйиз. Гъаз гъапиш, хизан йиз уьмрин мяна, кван акушин, дюнъийин шадвал вуйиз.

Ахъиримжи йисари ихъ улькейиъра, хизандин мюгъкамвализ, наслариланмина гъузнайи аьдатариз артухъ фикир тувуз хъюгъна. Думу гизаф ужуб ляхин ву. Думу хизанди мюгъкамвал, ахю-бицлир аьгъювал гъарган духъну ккунидар вуйи. Думу аьдатар гъичра зяиф хъуз гъитну ккундайи. Гъюрмат, ахю-бицлир аи йишваъ берекетра, девлетра, гъюрматра шули аьдат ву. Гъи му мяракайиз уч духънайи гъарсар касдиз, гъарсаб хизандиз гележегдйиъра мюгъкам сагъвал, хизанди хушбахтвал, клул ин ислягъ марци зав хувал ккун алураза. Гъамциб ахю мярака тешкил гъаплу табасаран райондин улихъ-клулихъ хъайидаризра, варици йиз ва йиз хизандин терефнаан ахю чухсагъул пуз ккундузуз».

Фарзилат РАЖАБОВА,
Шиклий: Гаимат Исаева чан шубарихъди.

Н. РЯГЪИМОВДИ
гъиву шиклий.

Решение № 201 от 18 сентября 2024 г. Об утверждении Положения о гимне муниципального образования «Табасаранский район» Республики Дагестан

В соответствии с Уставом муниципального образования «Табасаранский район» Республики Дагестан, Собрание депутатов муниципального района «Табасаранский район» Республики Дагестан **решает:**

1. Утвердить прилагаемое Положение о гимне муниципального образования «Табасаранский район» Республики Дагестан.

2. Опубликовать настоящее решение в районной газете «Голос Табасарана» и разместить на официальном сайте администрации муниципального района «Табасаранский район» Республики Дагестан в сети Интернет www.mr-tabasaran.ru

3. Настоящее решение вступает в силу через десять календарных дней после дня его официального опублико-

вания.

Глава муниципального района «Табасаранский район» Республики Дагестан М.С. Курбанов. Председатель Собрания депутатов муниципального района «Табасаранский район» Республики Дагестан И.А. Исаев.

Утверждено

решением Собрания депутатов муниципального района «Табасаранский район» Республики Дагестан от 18 сентября 2024г. № 201

Положение о гимне муниципального образования «Табасаранский район» Республики Дагестан

1. Настоящее Положение устанавливает гимн муниципального образования «Табасаранский район» Республики Дагестан (далее – Гимн), его описание и порядок использования.

2. Гимн является официальным символом муниципального образования «Табасаранский район» Республики Дагестан и представляет собой музыкально-поэтическое произведение на стихи: Абдурахманова Абдурагима Рамазановича, Ашурбековой Эльмиры Ашуралиевны и Курбанова Абдулмеджида Ибрагимовича.

3. Гимн может исполняться в оркестровом, хоровом, оркестрово-хоровом либо ином вокальном и инструментальном варианте. При этом могут использоваться средства звуко- и видеозаписи, а также средства теле- и радиотрансляции.

4. Гимн должен исполняться в точном соответствии с утвержденными музыкальной редакцией (Приложение 1 к настоящему Положению) и текстом (Приложение 2 к настоящему Положению) Гимна.

5. Гимн в обязательном порядке исполняется:

1) при вступлении в должность главы муниципального образования «Табасаранский район» Республики

Дагестан после принесения им присяги;

2) на заседаниях Собрания депутатов муниципального образования «Табасаранский район» Республики Дагестан в соответствии с Регламентом Собрания депутатов муниципального образования «Табасаранский район» Республики Дагестан;

3) во время официальной церемонии подъема флага муниципального образования «Табасаранский район» Республики Дагестан;

4) во время официальных церемоний, проводимых органами местного самоуправления, муниципальными органами муниципального образования «Табасаранский район» Республики Дагестан;

5) при открытии и закрытии торжественных собраний, посвященных государственным и муниципальным праздникам;

6) при проведении официальных физкультурных и спортивных мероприятий на территории муниципального образования «Табасаранский район» Республики Дагестан;

7) в иных случаях во время торжественных мероприятий и церемоний, проводимых органами местного самоуправления, муниципальными органами муни-

ципального образования «Табасаранский район» Республики Дагестан.

6. Гимн может быть тиражирован для использования и использован физическими лицами и юридическими лицами без взимания платы.

7. В случаях, когда законодательством предусмотрено исполнение Государственного гимна Российской Федерации, Гимна Республики Дагестан, Гимн исполняется после исполнения Государственного гимна Российской Федерации, Гимна Республики Дагестан.

8. При официальном исполнении Гимна присутствующие выслушивают его стоя, за исключением случаев невозможности выполнения данного требования по медицинским показаниям.

9. В случае если исполнение Гимна сопровождается поднятием флага муниципального образования «Табасаранский район» Республики Дагестан, присутствующие поворачиваются к флагу лицом.

10. Использование Гимна с нарушением требований, установленных настоящим Положением, а также проявление публичного неуважения к Гимну влекут за собой ответственность, предусмотренную действующим законодательством.

Приложение № 2

к Положению о гимне муниципального района «Табасаранский район» Республики Дагестан Гимн Табасаранского района

Табасаран – гюзел ватан,
Халкьдинди вува уткан.
Рубас нирин арсран мяъли
Атлабгна дагъларий ягъли.

Привет:

Дагъустандин мягъкам хизан
Балгурава, Табасаран!
Йислан-йисаз йибъ авадан,
Табасаран – адлу ватан!

Аьсрариан аьсрариз яв
Жил'ин гъабхьну дявдин ялав.
Душмнархьан гъафиш бала,
Вува халкьдин мягъкам гъала.

Дабалгна яв дагълар, дерйир,
Ккирчайганси халачйир.
Дустраз – хунча, душмниз – илдан,
Табасаран, Табасаран!

Прекрасный край –Табасаран,
Народом своим ты горд,
Рубас-река, твой талисман,
Течёт с вершин высоких гор.

Привет:

Жемчужина Дагестана,
В единой семье твой народ.
Наша славная отчизна,
Прцветай из года в год.

Наши предки не раз в бою
Защитили землю твою.
Семи братьев, одной сестры
Крепость свидетель той поры.

Словно ковры раскинулись
Долины и горы твои.
Другу – хлеб-соль, врагу – ты сталь,
Табасаран, Табасаран!

В селе Зиль планируют капитально отремонтировать дорогу

Администрация Ерсинского сельсовета, в который входит село Зиль, выдвигает на конкурс Минэкономразвития Дагестана «Местные инициативы» на 2025 год проект капитального ремонта дороги по улице Зильская.

Данную улицу протяженностью 1,3 км жители села выбрали на сельском сходе. Улица Зильская является центральной дорогой, которая ведет к школе. Общая проектная стоимость капремонта дороги обойдется в 6,5 млн. рублей.

В соответствии с условиями конкурса помимо основных средств из республиканского и муниципального бюджетов, финансирование должно осуществляться за счёт финансовых вложений меценатов – около 30 % от стоимости работ.

В случае прохождения конкурсного отбора проекта в Министерстве экономики и территориального развития РД улица будет асфальтирована.

(Пресс-служба райадминистрации).

«Гъизилин чвул-2024» агропромышленный выставка к1ули гъубшну

Гъаму йисан 1-пи октябриан 12-пи октябриз Москва шагъриь ерлешмиш дубхънайи «Тимирязев-центриь» агропромышленный «Гъизилин чвул-2024» ччвур тувнайи 26-пи выставка к1ули гъубшну. Думу выставкайиз Дагъустан Республикайиан 40-рилан зина гъасилдрари гъулан мяишатдин варж жюрейин жюрбежюр продукция гъубхну.

«Гъизилин чвул-2024» агропромышленный выставкайин натижийр йивури, Дагъустан Республикайин Гъюкуматдин премьер-министр Абдулмут1алим Абдулмут1алимовди гъапну:

-Дагъустан Республикайиз уткан хъуз ляхин а. Урусатдин Федерацияйин регионарин арайиь гъи ухъу малдарвалин ва набататчивалин продукция гъасил ап1баан улхан жергъириь ахъа. Му выставкайиз ухъу ери жигъатнаан вари т1алабариз ва стандартариз жаваб тувру никкдин продукция гъубхунхъа. Дидиз Урусатдин алверин точкйириь ахъу игътияж а. Думут1анна савайи, ихъ республикайин кевшанарин гъасил гъап1у йиккун продукцияра, йимшарра, т1умт1арра, бистнин мейвйирра ахъу аьшкьнинди масу гъадагъуру. Хъа ихъ республикайиь гъязур гъап1у жюрбежюр жюрейин сокариз вуйи игътияж хъана ахъуб ву. Му выставкайиь ихъ республикайиан духнайи жюрбежюр жюрейин сокариз заан кимат тувну.

Мялум вуйганси, аьхиримжи йисари республикайиь жюрбежюр сортнан йимшарин сок гъязур ап1увал заан дережайиь а пуз шулу. Республикайиь гъийин т1алабариз жаваб тувру, цийи технологириинди тикмиш дап1найи ва гъяракатнаь айи сок гъязур ап1ру кюб завод ва саб комбинат а: «Амбре», «Ириб» ва Кикунийин комбинат. Агропромышленный выставкайиз думу тешкилатарин сокар гъахну. Выставкайин иштиракчирииз дурар гизаф гъабул гъахьну.

«Гъизилин чвул-2024» аг-

ропромышленный выставка шубуд йигъан к1ули гъубшну. Думу вахтан арайиь ихъ республикайин жавабдар ксар Урусатдин жюрбежюр регионариь ерлешмиш духънайи предприйтирин руководителариьди гюрюшмиш гъахьну ва хайлин мянфяаьтлу йикърар гъийит1ну. Ихъ гъасилдрар душваь дилавар ксарихъдира гюрюшмиш гъахьну ва, улихъ ккимиди вуйи улупбаринди, Урусатдин 10 региондиз республикайин гъулан мяишатдин продукция масу тувуз йикърар гъап1ну: Московский, Челябинский областариз, Марий Эл Республикайиз ва жарадариз. Выставкайиь албагнайи Дагъустандин стендиз гъафидарихъан душваз дубхнайи гъулан мяишатдин вари жюрейин продукция дадмиш ап1узра шуйи.

«Гъизилин чвул-2024» агропромышленный выставкайиь ихъ республикайиан гъулан мяишатдин продукция хъади иштирак гъахьдари 25 медаль гъадагъну, гъадму гъисабнаан 15 гъизилин, 9 арсран, 1 кемшрин. Гъацира, республикайиь мал-къарайин эпизоотикайин узрариз къаршу ляхин заан дережайиьди к1ули гъабхурайивализ лигну, республикайин ветеринарияйин Комитет Урусатдин гъулан мяишатдин ва тартиб ап1ру промышленностдин Министерствойин терефнаан Гъюрматнан грамота-йихъди лишанлу гъап1ну. Думура ахъу хъуркьувал ву. Выставкайиь гъацира республикайиз хайирлу хайлин месэлийр гъял ап1уз, йикърар йит1уз мумкинвал гъабхьну...

Москвийиь к1ули гъягъру агропромышленный выставкайириь ихъ республикайин гъасилдрар гъарисан иштирак шулу ва заан наградиьр гъадагъуру.

**Материал чандиз
гъязур гъап1ур гъулан
мяишатдин отделин
редактор
У. АБДУЛКЕРИМОВА
ву.**

«Искусство уьбхбак пай киврайивалиин шад вуза...»

Ихь райондин 95 йис хьпан юбилейи ихь халкьдихьан юк1в убгру, дидин шадвал багъри халкьдихьди пай алуз ккуни агъзраринди инсанар ихь халкьдин тарихи йишв вуйи Ургур чвуччун ва сар чуччун гъалайина уч гъахьнийи. Думу йигъан душв ин ихь халкьдин сяняагтар улупурайи выставкйир алийи. Гъадрарикан варит1ан йиз к1ваз хуш гъабхьи халачйириз бахш дап1найи выставкайихь хъайи Мурад Къарахановдихьди гафар-ч1алар гъап1нийза. Дугъан хизандин кюмекниинди, албагнайи думу выставкайи халачйир, дорожкйир, гутйирин машар, сувенирарси, райондин 95 йис хъпаз гъазур дап1найи бици халачйир, бици дуркъар (халачйирра гъяди) ва жарадар айи.



«Яв выставка ихь халкьдин ерли искусство вуйи халачачивализ бахш дап1нава ахир, жвуван халкьдин дишагълийирин пишейихьан, насларилан мина ухъуз гъурубкъу искусствойихьан юк1в убгруб аьгью шулу. Ичв му пишейихьна вуйи янашмиш валикан кидибутуз шулчвухъан?»,-суал тувнийза Мурад Къарахановдиз. Дугъу узуз гъамци гъапнийи: -Гъи му ихь районди варит1ан уткан ва машгъур йишв вуйи Ургур чвуччун ва сар чуччун гъалайин ахю мяна айи мярака тешкил дап1на. Узуму шадлугънахьди ихь халкь тебрик алуз ккундуз, жележгидьра му йиз ватан хъана уткан ва авадан ибшири. Ихь халкьдин к1ул ин гъарган марци, ук1у зав, дюньяйи ислягвал ишри. Узуму Ахьит1 гъул ан вуза, Мамедгъала поселекди яшамш шулаза. Хъа узуму наан ашра, йиз

халкьдихьан юк1в убгуриз, табасаран дишагълийирин ерли искусство зйиф хъували йиз к1ваз аьзаб туврайиз. Узуму ухди йисари, яни ихь районди халачйирин фабрикар ляхник кайи вахтна, Ахьит1 гъула халачйирин фабрикайи гъуллугъчиди лихури гъахъунза. Думу йисари ихь халачачйирин гъизилин хилариинди яратмиш гъап1у гюрчег халачйири гъарсаб хизандиз, райондиз, республикайизт1ан савайи, уьлкейизра ахю хайир хуйи. Хъа гъамус му ляхин лап зйиф дубхъна. Узуму выставка албагуз къаст алубан дюшюшдиканра пидиза. Саб ражари Дербент шагъри музейиз тамаша алуз душнайза. Музейи уткан шубуб халача керхнайи. Гъадрарин тарихдикан ктибтури, му пише, яни халачйир гъасил

алувал, дубгра, мурар иша гъагъури имдар, гъапнийи ктибтурири. Дугъан думу гафар душваз дупнайи туристаризра къабул гъахъундайи. «Гъамкъан гюрчег халачйир гъасил алувал гъаз дубгуз гъитру?»,-к1урударра гъахъи. Гъадмуган къаст гъап1нийза, му пише дубгуз гъидригуз жафа зигидиза. Ав, гъаму халача гъайи бици дуркъар, сувенирар, дурхнайи дорожкйир, гутайин машар, халачайикан вуйи жара шейэр гъазур алурача. Йиз хпир дурар урхуру, узуму алвер алураза. Гъациб бициб вушра, думу пише давам алубак йиз пай киврайивалиин узуму шад вуза. Гъит йиз халкьдиз шадвалар, хъуркьувалар жележгидьра артух ишри...

**Фарзилат РАЖАБОВА.
Н. РЯГЪИМОВДИ
гъиву шикил.**

Гъарсаб ляхний-сарпир

Ахиримжи йисари Табасаран райондин образованиейи хайлин хъуркьувалар а. Мушваь ихь мялимар жюрбежур конкурсарий гъалиб хъувал, дурари жюрбежур грантар гъадагъуб к1ваин алуз шулу.

Урхурайидарира уждар нагйий гъадагъура. Сабпи нубат вуди варж баллдиз гъюкуматдин сабвуйи имтигъан туву баяр-шубарикан пуз шулу. Гъаци, 2023-пи йисан Т1атларин къялан мектебди урхурайи Гъаваханум Мягъямедовайи къюб имтигъандиан варж балл гъадагъуну. Му неинки ихь районди, Дагъустан Республикайи гъарварит1ан заан натижа вуйи. 2024-пи йисан Рушвларин къялан мектебди урхурайи Амина Гъашимовайи литературайин, Табасаран райондин гимназийи урхурайи Жигъан Рамазановайи урус ч1алнаан варж баллиз имтигъан тувну. Мицдар жувлан дигиш валар геле-



жегидьра давам шул к1ури, умуд кайихь. Дагъниарин асас бинайин уьмуни аьгъувалар туврайи мектебди гъазаан къиматариз урхурайидар

циб адар. Гъаци, 2023-2024-пи урхбан йисан 8 касди анжах заан къиматариз чпин классар ккудук1ну. Гъадрарин арайи 8-пи класди урхурайи Мадина Гъажиевара а. Дугъу сабпи классдианмина вари дарсариан анжах заан къиматар гъадагъура. Шуран илагъки бабан ч1алнаан дарсариин юк1вал. Гъаци, дугъу шиьрарра, ихтилатарра дик1уру. Чан эсерарий Мадинайи абийр-

бабариз гъюрмат дап1ну ккуниваликан, жвуван Ватандихьна, табиаьтдихьна инсанвалиинди янашмиш хъуваликан бик1ура. Класс-
(Ахир 8-пи машнаь.)

15-пи октябрь-Варидюн йийи гъулан дишагълийирин иягъ

«Узу гъулан дишагъли вуза...»

Статистарин улихь ккимиди вуйи улупбарин мялум шулайганси, 2030-пи йисаз ихь уьлкейин гъуларий яшамш шулай агъалирин къадар 1 миллион касдинди артухъ хьибди. Гъулан агъалирин къадар артухъ хъувал варит1ан гизаф ихь уьлкейин 10 регионди, гъадму гъисабнаан Дагъустанди, Московский областди, Краснодар крайи, Чечняйи ва саб жерге жара регионарий за хьибди. Росселхозбанкдин 2014-пи йисланмина гъийин йигъаз вуйи улупбаринди, гъулан агъалирин къадар 1 миллион касдинди артухъ гъабхъну.

Ахиримжи йисари гъулан агъалирин къадар артухъ хъуваллин себебар гъуларин инфраструктурайин артмишвал за дубхънайивал, бицидар хувал артухъ вуйвал, гъавайин шараитар марцидар, уждар вуйвал гъисаб алура, пишекрари. Думут1анна савайи, гъуларий яшамш шули, хизандин дуланажагъ алуз шулу. К1уруганси, «Гъулан дишагъли тухъвалин ачар ву». Думу гъаци к1уру гаф вуки, гъулан дишагълийихьан вари ляхнар удукъуру, дурум тувру.

Дупну ккундуки, гъулаь кми-кмиди хизандин к1ул дишагъли шулу. Дугъу хизандин гъайгъу зигуз чахъан шлуб вари алуру, яни мал-къара уьбхюру, бицидариз хъайивал, дурариз хулан мяшатди лихуз аьгью алуру, жюрбежур жара ляхнар тамам алуз улупуру. Думут1анна савайи, гъулан дишагълийирин ахюну пай гъюкуматдин гъуллугъарийра лихура. Гъаддиз му йигъ гъулан гъацдар дирбаш дишагълийириз бахш дап1найиб ву.

Пишекрари къайд алурайиганси, жилин али агъалирин юкьюб пай гъулан дишагълийир ву. Дурари гъаригъандин гъагъи зегъметниинди, уьлкейирин экономикайин артмишвалик чпин пай кивра. Дурари тамам алуру саб жерге ляхнар гъаци зйлан гъилигиган улиь айидарра дар: юкьур-хъур бицири хъайивал, дурарин марцишин, дурариз ип1ру гъазур алуру, мал-къарайиз хъайивал, бистнар, хут1лин ляхнар тамам алуру ва жарадар. Му ляхнар дишагълийи гъаригъан тамам алурайидар ву, гъаддиз ляхнарин гъисабнаь шулдар.

Урусатдин гъулан дишагълийирин улхуруш, дурарин гъюнарийн Ватандин Ахю дьвдин ва дидин къяляхь читин йисар алахъну. Думуган уьлкейи айи жиларин къадар ц1иб вуйивализ лигну (дъвдин женгарий гизаф жилар гъийихнийи), фашистар гъадаргъу шагърар, гъулар, рякъяр рас, ц1ийидар тикмиш, гъулан мяшатдин цирклин вари ляхнар тамам алувал ахирихъси гъулан дишагълийирин алабхънийи. Гъадму вари ляхнар тамам алурайи хизандиь аргъаж шулайи баяр-шубарра гъаци вердиш шулу к1уруганси, гъийин йигъазкъан дишагълийири думу ляхнар тамам алури ими, яни насларихъан насларихъна думу аьдатар к1улиз адагъури, аьдатнаь а.

Ихь уьлкейи дишагълийирин Союзра гъаракатнаь а. Думу тешкилатдин пишекрари читин гъялнаь ахъу дишагълийириз жумартвалин хил гъачлабккуру, дурар ликт1ин хъайиз дурарин гъайгъушнаь, ляхнихъди тямин алуз чалашмиш шулу.

Мялум вуйиганси, ахиримжи йисари гъуларий яшамш шулайи хайлин дишагълийир дилавар ксар ву. Дурарикан хайлиндари чпин хусуси тешкилатар, мини-цекар, тукар, мектебар, бицидарин багъар, уьл убжру пекарнийи, палтар ва ликарин алахърудар дирхру мини-фабрикар ачмиш алуру ва душварий лихури заан гъазанжар гъадагъуру, гъулан агъалириш шараитар тешкил алуру. Мисалназ, гъуларий тешкил дап1найи фермервалин мяшатарин гъарсар шубурпи руководител гъулан дишагъли ву, 70 процент1ан зина гъулан поселенирин главйирра дишагълийир вуди гъисаб шула.

Статистикайин улупбаринди, Урусатдин ахю ва къялан жюрейин предприяйири, вари сабшв инди гъисабназ гъадабгъиш, 785 агъзурилан зина дишагълийир анжах руководителарди лихура, хъа ихь уьлкейин гъуларий 21 миллионт1ан зина дишагъли лихури, яшамш шула.

Жавабдар ксари къайд алурайиганси, гъуларий яшамш шулайи хизанар чпин багъри йишварин жара регионариз кюч дархъбан бадали, дурариз гъулаь шараитар яратмиш дап1ну ккунду: гъулан мяшатдин комплексар гъийин деврин т1алабариз жаваб тувру техникайихъди тямин, мектебар, бицидарин багъар, больницйир ц1ийи алаьну, душварий лихурайи пишекрариз лайикъ вуйи маважиб тувну, рякъяр рас, гъулан агъалир штухъди тямин дап1ну ккунду. Гъаци гъабхъиш, ихь гъулан дишагълийири чпин марци зегъметниинди хизандин дуланажагъ алури ва чпин жьгътувалиинди гъулар ич1и хъуз гъитидар.

Ихь райондин гъуларийра чпин ляхнихъна намуслуди янашмиш шулайи дишагълийир хайлин а. Райондин медицинайин ужагъарий, мектебарий, бицидарин багъарий, гъулан мяшатдин цирклиь, гъюкуматдин жара жавабдар гъуллугъарий лихури, хъуркьувалар гъазанмиш гъап1у ва алурайи дишагълийир ц1иб адар.

Ккудубшу Варидюн йийи гъулан дишагълийирин машкврахъди ихь райондин гъуларин дишагълийир тебрик алури, дурариз гъулан уьмрий хъуркьувалар хъуб ккун алуруха.

**Материал чапдиз гъазур гъап1ур отделин редактор
Угълангерек АБДУЛКЕРИМОВА ву.**

Ихь каратистарихь - 25 медаль



Кабардино-Балкария Республиканы Тырныауз шагърин СКФО-ий сабпи йишв бадали каратэиан соревнованийр клури гъушну. Дагъустандин спортдин министерствойин пресс-гъуллугъну хабар туврайганси, душваь Дагъустандин спортсменари 25

медаль гъазанмиш гъапну. Думу серевнованийриь 12-15 йис яшнаь айи живан баяр ва 16-20 йис яшнаь айи жигъил баяр ва шубар иштирак гъахъну. Дагъустандиан вуйи спортсменар 10 гъизилин, 3 арсан, 12 кемшрин медаларин эйсйир гъахъну.
У.Къурбанова.

НАСЕЛЕННАЯ ЧАСТЬ	КАРТОЧНАЯ ИГРА ДЕТЕЙ	ТРОПИЧЕСКИЙ АИСТ	ПОЛЬСКИЙ ТАНЕЦ	НОСАТОЕ ПОЛЕНО	ЯД НА СТРЕЛАХ
ЗВЕНЯЩАЯ ДЕНЕЖКА	ЗНАЧОК НА ФУРАЖКЕ	ГИГАНТСКАЯ ВОЛНА	СПОРТИВНОЕ ОРУЖИЕ	АЛЛИГАТОРОВА ГРУША	ЗАМЕЧКА-ИНСТРУКЦИЯ
МИНИ-ГОСУДАРСТВО	ДВИЖЕНИЕ ЛИЦА	МЕШОК ЧЕРЕЗ ПЛЕЧО	ЧАЩОБА	АЗИАТСКИЙ БУЙВОЛ	ОВОЩ С ГРЯДКИ
ГЛАВА ПИРШЕСТВА	МАСЛИТНЫЙ МУЗЫКАНТ	УЗЕЛ АВТО	ИСКОДНЫЕ ДАННЫЕ	ЯМА ОТ ВЗРЫВА	ЯПОНСКАЯ ВИШНЯ
ПОТЕХА	СОБРАТ ПАСЛУХА	ПЕВИЦА МИЛЯВСКАЯ	КОВЕР ДЛЯ ДЗЮДО	БАТАРЕЯ	НАГРЕВАЕТ ВОЗДУХ
ОТВЕС ПЛОТНИКА	ДОМИК ДЛЯ ТРИТОНА	МЕЖДУ МИНИ И МАКСИ	ХРАМОВОЕ МАСЛО	ЕДИНИЦА ТЕМПЛОТЫ	БЕЗМОЛВИЕ
БУМАЖНОЕ ИСКУССТВО	МНОЖИТЕЛЬ ЧЕРТЕЖЕЙ				

Гъарсаб ляхний - сарпир

(Эвел 7-пи машнаь.)

диь ва мектебдиь, райондиь гъахру серенжемарь Мадина на активно иштирак шулу.

Гъубшу урхбан йисан М.Гъажиева «Гъит жумарт гафну рюгъ уягъ апри...» клуру Вариурасатдин яратмиш валин конкурсдиь иштирак гъахъну. «Проза» номинацияийь Мадина Гъажиева табасаран чIалниинди бикIрударин арайиь гъалибчи гъахъну, хъа «Поэзия» номинацияийь дугъу къюбпи йишв гъадабгъну. Гъалиб гъахъидариз дипломар улихъна йигъари Каспийск шагъриь Республиканийн образованиеийн центриь тувну.

Жигъиларин арайиь бабан чIалнахъна вуйи гъевес зяиф дубхънайи вахтна, Мадинаийн бабан чIалнахъна вуйи ккунивалиин, дидиз бахш вуйи конкурсарийь, олимпиадйирийь гъазанмиш аплурайи хъуркъувалариин мектебдин руководствора, мугъаз дарсар киврайи мялим Фейзулла Муртузалиевра гизаф разиди ву.

Урхбаь ва жямаябтлугъ ляхнарийь активвал улупури шулу Мадинаийз гележегдиьра гъарсаб ужувлан ляхнийь ягъурлувал ва заан хъуркъувалар ккун аплурхъа.

Фарзилат РАЖАБОВА.

Шиклийь: Мадина Гъажиева.

Шийи шийрариан

Расмия АБШУРБЕГОВА

Дада

Мучлу йишваз дюнмиш дубхънайи уьмрийь йиз Кабхъну айи аку шам вува, дада.

Хъивган микIар, гъургъган селлер уьмрийь йиз, Шам кутIубшвиш, наан абгуза далда?

Чи

Гъаз кабхърайкIан йиз кIвак аьжайиб гъалаб? Гъийин мархъли сикинсувал кипназук. Ярхла ашра, фикрар вуйиз яв гъвалахъ, Йиз юкIв дяхъхъ, гъач хъялишдикъан узухъ.

Эй чи, дебкка саб мани хабар узуз, Гъюрза дупну, улдубчIвну яв сабсан хъад.

Хъухърумариин сес ягъалди ву завуь, УргъурайкIан яраб яв уьмрииз мархъар?!

Зав мучлу ву, шликIа гиран ктапIнин дарш? Гъач, ихь дерди гъял аплухъа, азиз чи! Йиз гъаншарийь рябкъюз ккундиз аьлхъру маш, Гъач хъялишди, кIван дерд дяхъхъ, сюгъюрчи!

Гъач

Наан ава, гъаз хъадарва йиз багахъ?! Аяз ада, къюрд ярхив шуйкIан, кIурза. Гъяркат аплин, гъюрва узухъна фила? Къефсийь айи жакъвси, ялгъуз духъназа.

Ккундариз, ваь, сарди деуз ихь хунчихъ, Швнуд-сад йигъан жандик уьлин тки ктариз.

Гъаммишанси, гъира дъьназа унчIвихъ, Таниш даркбар рякъюр клури, миж кайиз.

Къан мапIан, гъач, хулаь акв кутIубшвайиз, Мурччв ан мурччвас манзил ебсуз ккундариз. Ачар йивуз шулин узхъан дарчариз, Уву адру уьмрийь юкIвра юкIв дариз.

Жилириз (Зарафатнан шийр)

Ургам хъипну, гимихъ уву дъьну пну, Хал-хизандиз кепкар гъюруб дар, жилир. Хулаь гъава мани вуди ккунду пну, ГакIвлар хъадарш, пичрак цIа шулдар, жилир.

Хпирин гафар ликрикк ккивну, гъергну пну, Вардин ушвар дисуз шлуб дар, жан жилир.

Синдиь айи аваршайиз лигну пну, Дидин тIяьм аьан шулин, эй жилир? СагIиди хъуз ухъу ният гъапIну пну, Сабур адарш, хизан шулин, жан жилир?

Буш гаф дапIну, хпириз гиран ктапIну пну, Арф дар гъа гаф, сахаз къяляхъ гъюз, жилир. Эй келлегюз, цалик хифар кахъну пну, Дурар душвак карсруб вуйин, жан жилир?

Лампочкаийз фун йивури дахъну пну, Дидкан увуз ригъ шулин, йип, эй жилир?

Къюрдну увуз ищиб ипIуз ккунду пну, Хъайивал дарш, мейва шулин, эй жилир? Гъуншдин ахъхийь ккундуш урчIувб йиц а пну, Йиц адрурихъ уртагъ даршулда, жилир.

Гъаз гъебграйкIан, жил, уву йиз ликриккан?

Гъаз гъебграйкIан, жил, уву йиз ликриккан? Лисункъана дубхънадариз гъелелиг. Маохъан гъялак инчI ккадабгъуз машнаккан, Икрыйь фициб уткан йимиш хъубкънаш, либгI!

Накъси, гъира йиз уьмрииз дургъна йифар, Саб ражнусан либга узуз, эй залум!

Набшдива, ригъ, мивана узуз йифар, Увухъ, ригъун кюкюси, вуза мягърум.

Хъадарира машар гъитIикIна узхъан, Амси йишван кIару дифракк жин духъна... Бахтлу йигъар гъялакди гъушну багъхан, Сар гъядралан, тмунур гъядраккан дапIна.

Объявление о продаже муниципального имущества

1. Объектом продажи является автомобиль: КАМАЗ-самосвал, за гос. номером К 251СХ 05/RUS, 1990 года выпуска.

2. Стоимость авто составляет 144000 руб. (стоимость определена на основании экспертного заключения № 30-08/24 от 19.08.2024 года).

3. Аукцион состоится 11 ноября 2024 года в здании Администрации МО СП «с/с Хурикский» в с. Хурик Табасаранского района на втором этаже в 11.30 по Московскому времени.

4. Для участия в аукционе претендент вносит задаток в размере 20% в кассу Администрации МО СП «с/с Хурикский».

5. Заявки подаются в Администрацию МО СП «с/с Хурикский» вместе с документом о задатке.

6. Одно лицо вправе подать одну заявку.

7. Участники аукциона могут быть гражданами и юридические лица, зарегистрированные в РФ в соответствии с действующим законодательством.

8. При уклонении или отказе победителя аукциона от заключения в установленный срок договора купли-продажи задаток не возвращается, и он утрачивает право на заключение указанного договора.

9. Аукцион, в котором принял участие один участник, признается несостоявшимся.

10. Шаг аукциона 3000 рублей.

11. Заявки, поданные после 11.11.2024г. рассматриваться не будут.

Врио главы МО СП «сельсовет Хурикский» М.А. ГАМИДОВ.

Утерянный аттестат о среднем полном общем образовании за номером Б – 5070357, выданный Куркакской СОШ в 2006 году на имя Ханмагомедова Абдулахада Ханмагомедовича, **считать недействительным.**

(Ответы на сканв № 41).

С	Ш	С	О	Б	О	Л	Ь
Б	О	Л	Е	Р	О	У	А
Х	П	Т	Х	И	Н	А	
А	К	А	Ф	И	С	Т	Д
О	И	Т	А	Б	О	Р	
В	Е	Р	Ш	А	Р		О
Ы	М	А	К	С	И		М
С		П	Р	У	Т		А
О	Б	О	И	О			Н
Ц	Т		К	О	Д	Е	К
К	У	П	О	Л		В	
А	Р		А	Н	К	О	Р
Я	Х	О	Н	Т		А	Р
Е	К	И	Й	И	О	Д	
З	А	М	Ш	А		Ф	А

Учредитель:
Администрация МР «Табасаранский район».

Главный редактор
И.М. Яралиев.
Табасаранский язык.

Позиция редакции может не совпадать с точкой зрения авторов, которые несут ответственность за достоверность и объективность представленных для публикации материалов. Рукописи не рецензируются и не возвращаются.

Газета зарегистрирована Управлением Федеральной службы по надзору в сфере связи и массовых коммуникаций по РД от 12.12.2008 г
Регистрационный номер: ПИ № ФС 05-0013.
Цена - 8 руб.

ИНДЕКС-51375.
Адрес редакции и издателя: 368650, РД, Табасаранский район, с.Хучни, «Редакция газеты «Табасарандин сес» («Голос Табасарана»)
Срок подписания в печать по графику - 17.00
Подписано в печать - 17.00

Телефон:
Главного редактора - 8-967-390-76-85.
Адрес электронной почты: golostab@mail.ru

Газета набрана и сверстана на базе компьютерной техники МБУ «Редакция газеты «Табасарандин сес» и отпечатана в ООО «Типография -М» 368600, г. Дербент, ул. С. Курбанова, 25.
По всем вопросам качества печати обращаться в типографию
Тираж 2269
Заказ №